




Plata dla Ploania Antermëia Sant'Antone Abat

Ploian: **siur Klaus Sottsass**
E.mail: klsottsas@rolmail.net
Curat: **siur Paul Campej**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C 09.01.2022 - 16.01.2022 - FESTA DL BATO DE GEJÙ

n. 7

La forza che vëgn dal alt

📖 Is 40, 1–5.9–11 | Titus 2, 11–14; 3, 4–7 | Lc 3, 15–16,21–22

Dal Vangele do San Lūca:

Te chël tēmp ¹⁵ê le popul plēgn d'aspetanza y dūc ponsâ sura tl chît sce Jan n'ê mine forsc instēs le Messia. ¹⁶Mo Jan ti respognô a dūc: Iö ves batiëii cun ega mo al nen vëgn un che é plü gaiert co iö, y iö ne sun nia dēgn de ti desciolè i cialzà. Èl ves batiarà cun Spirit Sant y cun fūch. ²¹Deboriada cun döt le popul s'à incē Gejù lascè batié. Y tratan ch'al periâ, s'à daurì le cil ²²y le Spirit Sant é gnü jö sön ël, che ê da odëi tla forma de na colomba, y na usc dal cil dijô: Tö es mi Fi bunorü, en tè ài ciafè plajëi.

Oraziun dl de



Periun! Pere, onipotēt y etern, tratan le bato tl Iórdann él gnü jö le Spirit Sant sön nosc Signur Gejù Crist che te nes as revelè sciöche to Fi bunorü: conzédesse incē a nos, ch'i sun renasciüs dal'ega y dal Spirit Sant, de podëi ester dagnora de to plajëi y de vire sciöche tü fis dla plenëza de chësc Spirit. Por nosc Signur Gejù Crist, to Fi, che é Dî y vir y regnëia cun tè tl'unité dl Spirit Sant por dūc i secui di secui. – Amen.

📖 Letöres dla 2. domënia ia por l'ann:
Is 62, 1–5 | 1 Cor 12, 4–11 | Jan 2, 1–11

Edema liturgica dai 09.01. ai 16.01.2022

2021	Ora	Mëssa
DOMENIA 09.01 BATO DE GEJU <i>oferta por la dlijia</i>	9.30 10.00	<i>Corona</i> Gran Mëssa por la comunité families Lisl Rubatscher
LÖNESC 10.01	8.00	s. Mëssa ++Edith y Paul Prousch
MERTESC 11.01		
MERCUI 12.01	7.25	s. Mëssa di scolari ++ Alfred y Maria Winkler
JÖBIA 13.01		
VENDRES 14.01	7.25	s. Mëssa + Franco Milone
SABEDA 15.01	18.00	s. Mëssa prefestia <i>ital.</i> ++ Frieda y Sepl Deiacó
2^a DOMENIA 16.01 DL ANN <i>oferta por la ploania</i>	9.30 10.00	<i>Corona</i> Gran Mëssa por la comunité ++ siur Pire Clara y siur Franz Sottara aniv. + Iarone Agreiter



Informaziuns y terminns

INVIT a düc i geniturs che á na picia müta, o n pice möt da batié, pêrs che aspeta, toc y totes de nosc Decanat, ala **preparaziun dl Bato**, che vëgn tignida en sabeda ai 15 de jená, dales 15.00 ales 17.00, tl salf di stüdafüch da SAN MARTIN. Se inconfortun da se udëi tröc partecipanc y stlüjarun jö cun sté ciamó n pü adüm a s'la cunté y cun n pic renfresch, che l'Uniun dles ëres nes arjignará ca. Prenotaziuns al numer 328/0717796.

COMUN: I sac dal ciomënt vëgn indô partis fora de jená 2022 por döt l'ann; por gauja dl coronavirus messunse indere inant ciaré da evité ch'al se formes ti porti di ofizi de comun codes de jënt che aspeta da ciafé i sac; porchël é düc dër bel inviá da telefoné te comun al nr. 0474 524377 (ofize cutes – David Costabiei) por fá fora n apuntamënt canch'ai pó jí a se tó i sac.

Proscima **racoüda dl refodam da tosser**, en lönesc, ai 17.01.2022 dales 12:00 - 13:00 dan le magazin di stödafüch a Antermëia.

Orars nüs dl **Zënter de sconanza di consumadus** tl Raiun Sozial Val Badia - Dal 1° de jená 2022 gnará les consulënzes personales tignides vigni 2° y 4° mertesc dl mëis dales 9.00 ales 12.00 tla 3a alzada dl Raiun Sozial Val Badia. Prenotaziuns al 0474 551022. Consulënzes por telefon tratan chisc orars de daurida al 0474 524517 o tres mail brunico@centroconsumatori.it

Cronica Sas dla Crusc 2021 - sce zacai oress publiché val avvenimënt o ess val fotografies o fac particulars sozedüs tl 2021, esi dër bel perià de se mëte en contat cun Carlo Piazza, tel. 380 3520465 o 0474 520044 o carlo.piazza@hotmail.com (poscibilmënter anter iener).


Zuspruch

AM SONNTAG

Taufe des Herrn C


Gott liebt jeden von uns so, als gäbe es außer uns niemanden, dem er seine Liebe schenken könnte.


Augustinus



Mi "oroscop" é la parora de Dî. Y sce i ciari de nôt sö al cil, vëighi la creaziun beliscima de Dî, sinti proteziun sot so cil de stëres.




Gejú è la buna stëra de mia vita.





Gejú se mèt pro chi
 che ó mète man
 danü ... la porsona
 vedla, cun sü fai,
 cun döta sua colpa
 nia laorada sö, resta
 zuruch. Na porsona
 nöia vëgn fora
 d'ega. Mo ciodí
 adora pa Gejú
 l'bato? Ci
 conversciun mëss pa
 fá chël che è io bele
 jü tres dlungia Idî ?
 Che Gejú se lascia
 batié, nes mostra süa
 solidarieté assoluta
 cun nos piciadus.

Mësses a Rina:	Dom 8.30	Dedol 19.15	Jöb 7.25	Sab 19.15	Dom 8.30
Mësses a San Martin:	Dom 9.30	Dedol 19.00	Jöb 7.30	Sab 19.30	Dom 9.30

	10.01 - 15.01.2022	Niklas - Teo
	16.01.2021	Joel U. - Alexia - Thomas - Joel C.
	15.01.2022	Annamaria Kircher
	16.01.2022	Carlo Piazza
	<p>Les mius aodanzes por le compliagn ti fajunse a Kircher Antonio (86) y Campei Paul (78). Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it